

**„კახეთის რეგიონის მოსახლეობის მიერ მოხმარებული ელექტროენერჯის ღირებულების ანაზღაურების შესახებ“ საქართველოს მთავრობის 2015 წლის 15 იანვრის №25 განკარგულებაში ცვლილების შეტანის თაობაზე**

საქართველოს ზოგადი ადმინისტრაციული კოდექსის 63-ე მუხლის შესაბამისად, „კახეთის რეგიონის მოსახლეობის მიერ მოხმარებული ელექტროენერჯის ღირებულების ანაზღაურების შესახებ“ საქართველოს მთავრობის 2015 წლის 15 იანვრის №25 განკარგულებაში შეტანილ იქნეს შემდეგი ცვლილება:

1. მე-3 პუნქტი ჩამოყალიბდეს შემდეგი რედაქციით:

„3. ამ განკარგულების პირველი პუნქტის შესაბამისად, საქართველოს ენერჯეტიკის სამინისტრომ, მისთვის „საქართველოს 2015 წლის სახელმწიფო ბიუჯეტის შესახებ“ საქართველოს კანონით გათვალისწინებული ასიგნებებიდან, უზრუნველყოს 4 380 000 (ოთხი მილიონ სამას ოთხმოცი ათასი) ლარის გამოყოფა და ეტაპობრივად, სს „კახეთის ენერჯოდისტრიბუციისათვის“ დანიშნულებისამებრ გადარიცხვა მის მიერ წარდგენილი და შესაბამისი მუნიციპალიტეტის გამგეობის მიერ საყოფაცხოვრებო მომხმარებლების ნუსხის ნაწილში დამოწმებული ყოველთვიური ანგარიშების საფუძველზე და ამ მიზნით, მასთან სათანადო ხელშეკრულებების მოქმედი კანონმდებლობის შესაბამისად გაფორმება.“.

2. მე-3 პუნქტის შემდეგ დაემატოს შემდეგი შინაარსის „4“ პუნქტი:

„4. კახეთის რეგიონის მოსახლეობის მიერ 2015 წლის დეკემბრის თვეში მოხმარებული ელექტროენერჯის ღირებულების ანაზღაურების მიზნით საქართველოს ფინანსთა სამინისტრომ, საქართველოს ენერჯეტიკის

სამინისტროს წინადადების საფუძველზე, შესაბამისი წლის სახელმწიფო ბიუჯეტიდან უზრუნველყოს საქართველოს ენერგეტიკის სამინისტროსათვის საჭირო სახსრების გამოყოფა და საქართველოს ენერგეტიკის სამინისტრომ უზრუნველყოს კახეთის რეგიონის მოსახლეობის მიერ 2015 წლის დეკემბრის თვეში მოხმარებული ელექტროენერჯის ღირებულების ამ განკარგულების პირველი პუნქტის შესაბამისად ანაზღაურება.“.

**პრემიერ-მინისტრი**

**ირაკლი ღარიბაშვილი**